

Uunga siunnersuut: Akiliisarfik Ilanngaassivik pillugu Inatsisartut inatsisaata**atorunnaarsinnejnarnera pillugu Inatsisartut inatsisaat***Aningaasaqarnermut Naligiissitaanermullu Naalakkersuisumit saqqummiunneqartoq***pillugu****Aningaasaqarnermut Akileraartarnermullu Ataatsimiititaliap****siunnersuutip aappassaaneerneqarneranut****ISUMALIUTISSISSLUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Hans-Peter Poulsen, Siumut, siulittaasoq

Inatsisartunut ilaasortaq Jens-Frederik Nielsen, Demokraatit, siulittaasup tullia

Inatsisartunut ilaasortaq Agathe Fontain, Inuit Ataqatigijit

Inatsisartunut ilaasortaq Hans Aronsen, Inuit Ataqatigijit

Inatsisartunut ilaasortaq Kuno Fencker, Siumut

Inatsisartunut ilaasortaq Lars Poulsen, Siumut

Inatsisartunut ilaasortaq Jens Napaattooq, Naleraq

UPA 2022-mi ulloq 24. marts 2022 siullermeerinninnerup kingorna ataatsimiititaliap sunnersuut misissorpaa.

1. Siunnersuutip imarisaa siunertaalu

Inatsisisatut siunnersuut una aqqutigalugu akiliisarfik Ilanngaassivik pillugu Inatsisartut inatsisaat nr. 30, 28. november 2019-imeersoq Naalakkersuisunit atorunnaarsinniarneqarpoq. Ilanngaassiviup atorunnaarsinnejnarnera atuutilissaqq inatsisip saqqummiunneqarnerata aqguani. Ilanngaassiviup atorunnaarsinnejnarnissaanik siunnersuut 2022-mi aningaasanut inatsisisatut siunnersuummi, taamani Naalakkersuisusunit 2021-mi ukiakkut saqqummiunneqartumi, siullemearluni taaneqarmat ataatsimiititaliamit oqaatigineqassaaq. Taamaallillillu Akiliisarfik Ilanngaassivik pillugu Inatsisartut inatsisaata atorunnaarsinneratigut aningaasanut inatsisisatut siunnersuutip ilaata pineqartup inatsisisatut siunnersuutikkut matumuunakkut malitseqartinnejnarnissa Naalakkersuisut kissaatigaat.

2. Siunnersuutip Inatsisartunit siullermeerneqarnera

Siunnersuut partiinit amerlanerussuteqartunit tapersorsorneqarpoq. Siullermeerinninnermi qulequttat oqallisigineqartut pingarnerit makkuupput:

- Pisortanut akiligassatigut kinguaattoorutit amerlassusiat
- Pisortanut akiligassatigut kinguaattoorutinik akiliisitsiniartarnermi aaqqiissutaasinnaasut allat
- Akiitsut amerliartuinnarnissaasa pinaveersaartinnissaa
- Aaqqiissutissat allat qanoq allaffissornartiginerat

Qulequttat taakku pisariaqarneratut annertutigisumik imm. 4-mi ataatsimiititaliamit sammineqassapput.

3. Tusarniaanermut akissutit

Tusarniaanermut akissutit inatsisassatut siunnersuummut ilangunneqarsimapput, tamannalu Inatsisartut Siulittaasoqarfiata ilusiliinissamut piumasaqaataanut naapertuuppoq. Ataatsimiititaliaq siunnersuutigineqartunut annertunerusumik oqaaseqaatissaqanngilaq.

4. Ataatsimiititaliap siunnersuummik suliarinninnera

Qulequttat ulloq 24. marts siullermeerinninnermi oqallisigineqartut ataatsimiititaliap matuma kinguliani sammivai. Pisortanut akiligassatigt kinguaattoorutinik akiliisitsiniartarnermi ajornartorsiuteqarfiiit marlummata ataatsimiititaliamit aallarniutigalugu oqaatigineqassaaq. Siulleq tassaavoq akiliisinnaassuseqarneq, tassa pisortanut aningaasartuutigisat **akilernegarsinnaanersut**. Inuit suliffeqarfiiillu akiliisinnaassuseqanngissinnaanerat arlalinnik pissuteqarsinnaasoq ataatsimiititaliap ilisimavaa. Inatsisissatulli siunnersuut ajornartorsiutillu tassannga pisut isumaliutissiissummi matumani isummerfigineqassapput. Taamaattumillu akiliinissamut piumassuseqarnerpiaq ataasimiititaliamit qitiutillugu sammineqassaaq, tassa innuttaasoq/suliffeqarfik pisortanut aningaasartuutiminik **akileerusunnersoq**, taassumalu ataaniipput akiliisitsiniartarnermi periutsit.

4.1. Pisortanut akiligassatigut kinguaattoorutit ineriartornerat

Pisortanut akiligassatigut kinguaattoorutit ineriartornerat siullermeerinninnermi oqallisigineqarpoq. Pisortanut akiligassatigut kinguaattoorutit ineriartornerat takussutissiami matuma kingulianiittumi takutinneqarpoq. Pisortanut akiligassatigut kinguaattoorutit assigiinngitsut tamarmiusut ilangunneqarsimapput.

Pisortanut akiitsullit allattorsimaffiat, tunngavigalugu akiitsut suuneri kingorna piffissaq. Pisortanut akiitsup annertussusia, Akiitsut tamakkerlugin.



Takussutissiaq 1: Pisortanut akiligassatigut kinguaattoorutinut nalunaarsuiffik suussusii piffissaalu malillugit¹ Kilde: Pissarsiffik: Naatsorsueqqissaartarfik.

Pisortanut akiligassatigut kinguaattoorutit piffissami 2016-2021-mi 870 mio. kr.-it missaannit 1,1 mia. kr.-it missaannut amerleriarsimasut takussutissiami siuliani allassimasumi takuneqarsinnaavoq. Kisitsisini taaneqartuni marlunni ilanngaatisat ilanngaatigineqareerput. Taamatuttaaq 2021-2022-mi suliassat amerlassusiat taakkunani akiligassatigut kinguaattoorutit Akileraartarnermut Aqutsisoqarfiup 2021-mi ukiumoortumik nalunaarutaani naatsorsorneqarsimapput. Akiliisitsiniartarnermili IT-mullu atortorissaarut nutaaq pissutigalugu ukiunut siusinnerusunut sanillersuussinissaq ajornakusoorsinnaavoq. Akiligassatigut kinguaattoorutit februar 2021-mi 1,32 mia. kr.-init februar 2022-mi 1,35 mia. kr.-inut amerleriarsimasut Akileraartarnermut Aqutsisoqarfiup ukiumoortumik nalunaarummini paasissutissiissutigaa. 1. januar 2022-mi Kalaallit Nunaat 56.562-inik innuttaqarpoq (Naatsorsueqqissaartarfik naapertorlugu). Taamaalillunilu Kalaallit Nunaanni inuit normullit tamarmik immikkut 23.867 koruuninik akiligassatigut kinguaattooruteqarnerannik tamanna naleqarpoq. Akiligassatigulli kinguaattoorutit ilaat

¹ Takussutissiamut Naatsorsueqqissaartarfik ima oqaasertaliivoq: 2017H2
2017-imi ukiup affaata aappaani A-nit akileraarutitigut annaasaqataasunut immikkoortinneqartut 190 mio. kruuniupput
2020H2
2020-imi ukiup affaata aappaani A-nit akileraarutitigut annaasaqataasunut immikkoortinneqartut 340 mio. kruuniupput
2021H1
Aningasaqarnermi aqutsinermi periutsip allanngornera kukkunersiuinerlu pissutaallutik 2021-mi ukiup affaani siullermi akiligassat ineriarnerat piffisanut allanut imaalialaanarluni sanilliunneqarsinnaanngillat.

aamma suliffefqarfimmeersummata ataatsimiititaliamit oqaatigineqassaaq².

Meeqqanut akilersuutinut akiligassatigut kinguaattoorutit siullermeerinninnermi immikkut taaneqarput. Akileraartarnermut Aqutsisoqarfik naapertorlugu ukioq manna suliassat 84.211-upput katillugit akiligassatigut 418,1 mio. kr.-inik kinguaattooruteqarfiusut. Tassa 2021-mut sanilliullugu akiligassatigt kinguaattoorutit 1,32 %-imik qaffariarsimallutik.

4.2. Pisortanut akiligassatigut kinguaattoorutinik akiliisitsiniartarnermi aaqqiissutaasinjaasut allat:

Innuttaasoq suliffeqarfilluunniit akiligassatigut kinguaattoorutiminut akiliisinaassuseqaruni akiliisariaqartoq siullermeerinninnermi nalinginnaasumik isumaqatigiissutigineqarpoq. Innuttaasulli suliffeqarfiillu akiliinissamut piumassuseqanngitsut akiligassanut kinguaattoorutiminnik akiliinissaannik siuarsaanissamut Ilanngaassivik sakkugissallugu eqortuunersoq isumaqatigiinngitsuutigineqarpoq. Taamaattumillu aaqqiissutaasinjaasut allat matuma kinguliani ataatsimiititaliamit naatsumik taakkartorneqassapput.

Suliniutissat assigiinngitsut, soorlu meeqqanut akilersuutit pillugit maleruagassanik allanngortitsinerit aammalu pisortanit ikorsiissutit suliffissarsiortunullu ikorsiissutit pillugit maleruagassanik allanngortitsinerit, ingerlanneqassasut inatsisissatut siunnersummut nassuaatini allassimavoq. Tamanna Aningaasaqarnermut Naligiissitaanermullu Naalakkersuisup saqqummiussisummini erseqqissumik aamma taava.

Naalakkersuisut inatsisissatut siunnersuutaat UPA2022/23 aammalu UPA2022/24 naapertorlugit pisortanit ikorsiissutit aammalu suliffissarsiortunut ikorsiissutit pillugit maleruagassanik allanngortitsinikkut akiligassatigut kinguaattoorutinik akiliisitsiniartarneq imaanngimmat pitsanngussasoq, immaqali akiliisinnaanerup pitsanngoriarneranik, taamaalillunilu akiligassatigut kinguaattoortoqartannginnissaanik nassataqarsinnaasoq Aningaasaqarnermut Akileraartarnermullu Ataatsimiititaliamit oqaatigineqassaaq. Ikorsiissutili pisortaninngaanneersuupput, taamaalillunilu aningaasat pisortat kontoanit pisortat kontoanut allamut nuunneqaannartussaallutik. Naalakkersuisut inatsisissatut siunnersuutaata ilaa pisortanit ikorsiissutit pillugit maleruagassanut tunngasoq (UPA2022/24) innuttaasunik siunnersuinissamut, tassungalu ilanngullugu akiitsut pillugit siunnersuinissamut, kommunit pisussaaffeqarnerannut aamma tunngavoq. Illua tungaatigulli innuttaasut siunnersuinermut tassunga peqataanissaminut pisussaaffeqarput. Kiisalu inatsisissatut siunnersuutip ilaa qitiusoq tassaavoq pisortanit ikorsiissutit ikorsiissutit annertussusileriikkatut tunniunneqartalernissaat, tamatumani innuttaasup inigisamini aningaasaqarnermut tunngasut, tassungalu ilanngullugu akiligassanik akiliinissaq, nammieq isumagilissavai. Akiligassat taakku aaqqissuussineq maanna atuuttoq naapertorlugu ikorsiissutit tunniunneqannginneranni kommunimit akilerneqartarput. Tamanna kommunit siunnersuinermit pitsaassuseqarluartumik ingerlatsinngippata akiligassatigut kinguaattoorutit

² Akiligassatigut kinguaattoorutit pillugit takussutissiaq sukumiinerusoq Akileraartarnermut Aqutsisoqarfiusup ukiumoortumik nalunaarutaani Akileraartarnermut Aqutsisoqarfiusup nittartagaatigut takuneqarsinnaavoq.

amerleriarnerannut peqataaqataasinnaavovq. Tassunga atatillugu inatsisisstatut siunnersuutit UPA2022/23 aamma UPA2022/24 akuerineqassappata kommunit innuttaasunut siunnersuinerata ineriartornera Naalakkersuisunit ingerlaavartumik malinnaavigineqassasoq Aningaasaqarnermut Akileraartarnermullu Ataatsimiitaliamit kissaatigineqarpoq.

4.3. Akiitsut amerliartuinnnissaasa pinaveersaartinnissaa

"Akiitsut akiitsunillu akilersuineq pillugit nassuaat" taamani Aningaasaqarnermut Akileraartarnermullu Naalakkersuisoqarfiusumit suliarineqartoq 2017-imik Naalakkersuisunit saqqummiunneqarpoq. Akiligassatigut kinguaattoorutinik akiliisitsiniartarnermi ajornartorsiummut aaqqiissutissaq ataasiinnaanngitsoq, sakkussalli assigiinngitsut arlallit atorneqartariaqartut tassani nassuaatigineqarpoq. Pisortanut akiligassatigut kinguaattoorutinik akiliisitsiniartarnermut kiisalu innuttaasut akiliisinnaassuseqarnerannut siuarsaanissamut aaqqiissutissatut periarfissat arlallit nassuaammi tикинneqarput. Aaqqiissutaasinnaasut Naalakkersuisoqarfinnut assigiinngitsunut agguataarsimapput, tamatumani isumaginninnikkut, ilinniartitaanikkut, ineqarnikkut il.il. suliniutissat ilaautlik. Naak nalunaarut ukiunik tallimanik pisoqaassuseqaraluartoq kaammattuutit arlallit nunatta aningaasaqarneranut suli soqtiginaateqartutut ataatsimiitaliamit isigineqarput.

Pisortanut kinguaattoorutit qaffakkaluttuinnarneri, kinguaattoorutit annertussusii suliallu amerlassusii eqqarsaatigalugit, ataatsimiitaliamit assut ernumanartutut isigineqarput. Taamaattumik kinguaattoorutinut akiliisitsiniarnissamut aaqqiissutissanik nutaanik nassaarniartoqarnissaanik Naalakkersuisut Aningaasaqarnermut Akileraartarnermullu Ataatsimiitaliamit kaammattorneqarput. Taamaattumillu nassuaatip 2017-imeersup siunissami nutarterneqarnissaanik suliniutillu assigiingitsut, akiliisinnaassuseqannginnermut aamma tunngassutillit, isumaliutiginissaannik Naalakkersuisut ataatsimiitaliamit kaammattorneqarput.

5. Siunnersuutip aningaasaqarnikkut kingunerisassai

Siunnersuutip piviusunngortinnejnarnerani aningaasatigut kingunerisassat inatsisisstatut siunnersummut nalinginnaasumik nassuaatini allaaserineqarput. Ilanngaassivik pillugu inatsisip atorunnaarsinneqarnera namminermi aningaasaqarnikkut allaffissornikkullu kinguneqassanngitsoq tassani allassimavoq. Sanaartugassanut aningaasaliissutit 3 mio. kr.-it (konto pingaaneq 82.24.01) atorneqassanngitsut inatsisisstatut siunnersummut nalinginnaasumik nassuaatini allaassimavoq. Sanaartukkanulli takussutissiaq naapertorlugu aningaasaliissutinit 3,3 mio. kr.-it sinneruttut ataatsimiitaliamit maluginiarneqarpoq (suliassaq normu 900226). Aningaasaliissutinit taakkunannga 0,2 mio. kr.-it atorneqarsimassasut ataatsimiitaliamit ilimagineqarpoq, taamaalillunilu sinnerullutik 3,1 mio. kr.

Tamatuma saniatigut ingerlatsinermut aningaasartuutissat ukiumut 5 mio. kr.-iusussatut missingerneqartut aammalu ineriartortitsinermut atuutsitsilernissamullu tigusisinnatitaanissamut 26 mio. kr.-it immikkoortinnejartut Naalakkersuisut allapput.

Aningaasartuutili taaku 2022-mi aningaasanut inatsimmut ilanngunneqanngillat, aningaasanummi inatsisisstatut siunnersuutip saqqummiunneqarneranili siunnersuutigineqarmat Ilanngaassivik atuutsinnejalissanngitsoq. Taamatuttaaq Ilanngaassivik ukiumut 30 mio. kr.-it missaannik isertitaqaataasartussaagaluartoq Naalakkersuisut saqqummiussisummini allapput, taakkuli 2022-mi aningaasanut inatsimmut ilanngullugit missingersuutigineqarsimanngillat. Akiligassatigut kinguaattoorutit taaku periutsit allat aqqutigalugit, tassungalu ilanngulluu Akileraartarnermut Aqutsisoqarfuiup akiliisitsiniartarnermut immikkoortortaa aqqutigalugu, akilersinniarneqarsinnaassasut Aningaasaqarnermut Ataatsimiitaliamit soorunami neriuutigineqarpoq.

Tunngavissat pigineqartut tunngavigalugit Naalakkersuisut naliliinerannit allaanerusumik naliliinissamut ataatsimiitaliaq tunngavissaqanngilaq. Taamaalillunilu apeqqut taanna Naalakkersuisunit sukumiisumik misissorneqarsimasoq aammalu aningaasatigut allanik kinguneqassanngitsoq Aningaasaqarnermut Akileraartarnermullu Ataatsimiitaliamit tutsuigineqarpoq. Siunnersuut naatsorsuutigineqanngikkaluamik pisortat karsiisa aningaasartuuteqarnerunerannik nassataqassagaluarput aningaasartuutit taaku aningaasaliissutaareersut iluini akilerneqartussaassapput.

6. Ataatsimiitaliap inassuteqaatai

Aningaasaqarnermut Akileraartarnermullu Ataatsimiitaliami amerlanerussuteqartut
Siumumeersut, Inuit Ataqatigiinneersut aammalu Naleqqameersut siunnersuutip
akuersissutigineqarnissaa inassutigaat.

Aningaasaqarnermut Akileraartarnermullu Ataatsimiitaliami ikinnerussuteqartut
Demokraatineersut siunnersuutip itigartitsissutigineqarnissaa inassutigaat.

Inassuteqaammut atatillugu Demokraatit ima ikinnerussuteqarlutik oqaaseqaateqarput:

"Ilanngaassivik equnneratigut pisortat aningaasaqarnerannut ukiumut 30 million koruuninik pitsanngoriaateqassaaq. Taassumap avataatigut Ilanngaassivik equnneratigut innuttaasut akiitsullit, akiitsuisa alliartunnginnissaanik ikorneqassapput.

Allatut oqaatigalugu, siunnersuut uumap akuerinerasigut nunatta karsia aningaasaatikinnerulissaq taamatuttaarlu innuttaasut akiitsunik aqunneqarsinnaarpianngitsumik pillit amerliartulissallutik. Inuttaasunullu taakkununnga isumakuluutinik inissisimanerillu iluarpallaanngitsunut kinguneqaritseratarsinnaalluni.

Siunnersuut una akuerinerasigut innuttaasut pisortanut akiitsuisa alliartornissaanut Inatsisartut kinguneqaritseqataassapput. Demokraatit tamanna tapersorsornaviangilaat.

Taamaattumik siunnersuut itigartinneqarnissaa innersuussutigineqarpoq."

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Hans Peter Poulsen
Siulittaasoq

Jens-Frederik Nielsen
Siulittaasup tullia

Agathe Fontain

Hans Aronsen

Kuno Fencker

Lars Poulsen

Jens Napaattooq